

ԳԵՐԵԶՄԱՆԱԿԱՆ ՀԻՆ ԿԱԹՈՂՆԵՐԸ ԵՒ ՆՐԱՆՑ ՀՆԱԳԻՏԱԿԱՆ ԱՐԺԷՔԸ

ՀԱՅ ԱՐՈՒԵՍԻ ՊԱՏՄՈՒԹԵԱՆ ՀԱՄԱՐ

Ա.

Ազգերի քաղաքակրթութեան և արուեստի ծագումն ու ձևակերպութիւնը իրենց զարգացման ընթացքում սերտ կապուած են իրենց կրօնի և հաւատալիքների հետ. Քրիստոնէական արուեստի նշանաւոր պատմարան Kraus մի խօսք ունի, թէ ազգերի արուեստը գերեզմաններից է սկսուած. այս ճշմարիտ է ոչ միայն նախնական ազգերի համար, որոնց շինարարութիւններն ու ստեղծագործական երեւոյթները իրօք գերեզմանների հետ են կապուած, այլ և յետագայ դարերի նոր հոսանքների ընդունելութեան ժամանակ, համապատասխան նոր արուեստի և մշակոյթի ստեղծագործութեան ազդիւր է դառնում, հետզհետէ հնից դէպի նորը փոխակերպուելով: Եթէ Եգիպտոսի արուեստն ու մշակոյթը պատմութեան մէջ իրենց բազմատեսակ երեւոյթներով հողու անմահութեան հետ կապուած հասկացողութեան մարմնաւորումն է, եթէ յունական արուեստն ու գրականութիւնը իրենց բոլոր ճիւղերով կապուած են և հասկանալի յոյն ժողովրդի կրօնական ըմբռնումներով միայն, քրիստոնէական կոչուած արուեստն էլ նոր վարդապետութեան հաստատութեան հետ, երեւան է բերում նոր ստեղծագործութիւն ազգերի մէջ, հնից հետզհետէ դէպի նորագոյնը և տարբեր զարգացումն ընթանալով: Կատակամբաների արուեստը միջին օրակն է հեթանոսականի և քրիստոնէականի ծագման և զարգացման արեւմուտքում: Նման երեւոյթ նկատուած ենք և Հայոց մէջ:

Հայ արուեստի նախնական շրջանների հասկացողութեան համար մեծ նպաստ են բերում մեր երկրի այլ և այլ կողմերում ցրուած գերեզմանական կոթողների մնացորդները, որոնք դեռ ևս հարկաւոր ուշադրութեան չեն արժանացել: Տարարազ-դարար նոցանից շատ քչերը ամբողջութեամբ հասել են մեզ, մեծագոյն մասով եղծուած,

մասամբ կամ բոլորովին փչացած, կտոր կըտոր եղած, բայց այնպիսի քանակութեամբ, որ բաւական են զարգաւոր կազմելու նրանց մասին: Դեռ ևս մենք լիովին նրանց պայտեան և տարածման մասին ծանօթութիւն չունինք, բայց ինչ որ վերջին տասնեակ տարիներում պրոֆեսոր Մատին, Թորամանեանին և մեզ յաջողուել է ծանօթանալ և ի մի հաւաքել, մի հոյլ է, արժանի ընդարձակ և բազմակողմանի ուսումնասիրութեան:

Այստեղ ևս նոյն դիտական ուսումնասիրութեան մեթոդին ենք հետևում, ինչ որ մասամբ փորձեցինք նախնիքաց ուսումնասիրութեան մէջ, որ ճարտարապետական որոշ երեւոյթների լուսարանութեան էր նուիրուած: Պարզ ուսումնասիրութիւնն իսկ ցոյց է տալիս, որ նրանք չեն պատկանում Հայ ճարտարապետութեան ծագման, սակեզարի շրջանին, որ է. դարն է, ինչպէս տեսանք: Այն պատկերազրութիւնը և զարգաքանդակները, որ մենք տեսնում ենք այդ կոթողների վերայ, տարբեր ոճ, ձևակերպութիւն և մոտիւներ ունին, քան մեր է. դարի թուականով կամ ժամանակով յայտնի չէնքերը: Նրանք չեն երևում նաև Բագրատունեաց կամ ԺԳ. դարի վերածնութեան շրջաններում: Ազգ, ուրեմն, պատկանում են աւելի հնագոյն դարերին, մի տարբեր գեղարուեստական հոսանքի, որ արդէն մեռնել է սկսում եօթներորդ դարում:

Եւ յիշելի, նրանք ծագումով և տեղով ամենամեծ աղերս են ցուցաբերում մեր բազիլիք եկեղեցիների ծագման, տեղի և ոճի նկատմամբ: Այս մի երեւոյթ է, որ ինքնին մատնանչում է նրանց հասկացողութեան ուղին և տեղը մեր արուեստի պատմութեան մէջ: Մեզ յայտնի չէ, գրեթէ, որ և է նման գերեզմանական կոթող, որ կապուած չլինի տեղով բազիլիք շէնքի հետ: Այստեղ ևս նկատուած ենք գուտ հեղինակաւոր միջազնտական-ասորական և տեղական սասանեան արուեստների փոխ-ազդեցութիւնը,